



Inatsisartunut ilaasortaq Kristian Jeremiassen,
Siumut

Kristian Jeremiassen-imit § 36 naapertorlugu apeqqummut 2010-175-imut akissuteqaat

Inatsisartut suleriaasianni § 36, imm. 1 naapertorlugu Kristian Jeremiassen imatut apeqquteqarpoq:

30. september 2010.

1. Uuliasiorniarlutik qinnuteqarsimasut akuersissutitut tunniunneqartunut nunatta karsianut akiliuteqartinneqartarpat?

Akileraarutitut, suliffeqarfiup akiliutissaanut aammalu pisortat peqataanerannut – ataatsimut taaguuteqartinnerani "Government Take"-nik taaneqartartumut – ataatsimoortumik ilusiliaq Naalakkersuisut 2009-ip qiteqqutereernerata kingorna akuersissuteqarfigaat. Akileraarutitut suliffeqarfiullu akiliutissaanut ilusiliaq Ikummatissiassanut tunngatillugu periusissat, ikummatissiassanut suliassaqarfimmi ineriartornerup kalaallitut inuiaqatigiinnut annertunerpaamik iluaqutaanissaata qulakkeerneqarnissaanut siunertaqartut akuerineqarsimasut ataatsimoortut ilagaat.

Postboks 930
3900 Nuuk
Tlf. (+299) 34 68 00
Fax (+299) 32 43 02
E-mail: bmp@nanoq.gl
www.nanoq.gl

Qalluinermi sinneqartoorutitut inuiaqatigiit naleqquttumik pissarsiaqarnissaat qulakkeerneqassaaq. Ikummatissiassanik imminut akilersinnaasumik qallorneqarsinnaasunik nassaartoqarsinnaanissaanut misissuinerneq ingerlataqarnerup naammattumik qaffasissusilimmik ingerlanneqartuarnissaa pisariaqarpoq. Taamaattumik periusissami aamma ikummatissiassanut pisinnaatitsissutitut neqeroortitsivigineqartunut atugassarititaasut uuliasiorfiutileqatigiiffinnik annaasaqaataariataarsinnaasumik misissuinerneq ingerlataqarnissamut kajumilersitsinnaanissaq aammalu aningaasatigut atugassarititaasut unammillersinnaassuseqarnissaat siunertarineqarpoq.

Nunap ilusaani pissutsit, soorlu sikoqartarnera, anori, sila, qaamasarnera/taartarnera il.il. peqqutaallutik, Kalaallit Nunaanni ikummatissiassanut suliassaqarfimmi misissuinerneq, inerisaanermut ingerlatsinermullu aningaasartuutit qaffasissuusarnerat atuuppoq. Aningaasartuutit taakkua qaffasissuusarnerisa malitsigisaanik, misissuinerneq ingerlataqarnerup ataatsimoortup annertunerpaartaata uuliasiorlutit isumagitittarnissaa pingaaruteqartorujussuuvoq. Taamaalilluni uuliasiorlutit Kalaallit Nunaanni uuliasiorlutit misissuinerneq aningaasaliinissamut soqutiginnilersinnissaat periusissani annertuumik siunnerfigineqarpoq. Tassunga atatillugu, Kalaallit Nunaanni misissuinerneq qalluinnissamullu akuersissutitut neqeroortitsineq qanoq, qaqugu aammalu atugassarititaasut suut tunngavigalugit ingerlanniarneqarneranut tunngatillugu pisortat siunertanik erseqqissunik tamanut saqqummiussisarnissaat pingaaruteqarpoq.

Aningaasatigut killissaliussanik atugassarititaasussanillu Ikummatissiassanut tunngatillugu neqeroortitsinermut atatillugu aalajangersaanermi, ilaatigut inuiaqatigiit nalilinnit nunap iluaneersunit isertitaqarnermit naleqquttumik pissarsinissaasa qulakkeernissaa, ilaatigullu uuliasiorlutit annaasaqaataariataarsinnaasunik

aningaasaliinissamut soqutiginninnerisa qulakkeerneqarnissaa siunertarineqarpoq. Taamaattumik uuliasiorfiutiteqatigiiffiit Kalaallit Nunaanni misissuinissamut qalluinissamullu akuersissutinik qinnuteqarusulersinnissaannut, aningaasatigut atugassarititaasut naammattumik unammillersinnaassuseqartinnissaat pisariaqarpoq.

Tamanna tunggavigalugu Naalackersuisut aningaasatigut killissarititaasut atugassarititaasussallu Kalaallit Nunaanni uuliasiornermik ingerlataqarnermi atuuttussat aalajangersarpaat.


2. Qanoq annertutigisumik akiuliteqartinneqarpat?

Nunanut allanut sanilliussilluni misissueqqissaarneq, nunani arlalinni uuliasiorluni gassiorlunilu misissuinerimi qalluinermilu aningaasatigut atugassarititaasunut tunggasoq, nukissiornermut siunnersuisoqatigiiffiuteqatigiiffimmit IHS Energy-mit nunani tamalaani akuerisaasumit suliarineqartoq tunggavigalugu, Kalaallit Nunaannut "Government Take"-mut ilusiliaq unammillersinnaassuseqartoq manna aalajangersarneqarpoq, imatut katitigaasoq:

- Ingerlatseqatigiiffiup akileraarutaa aamma iluanaarutinit akileraarut katillugit 37 %-iusoq
- Akileraaruteqannginnermi imminut akilersinnaassuseq 21,75 %-imit + ernialiussamit qaffasinnerusimappat sinneqartoorutinit akileraarut 7,5 %-iusoq, imminut akilersinnaassuseq 29,25 %-imit + ernialiussamit aamma 36,75 %-imit + ernialiussamit qaffasinnerusimappat 17,5 %-imut aamma 30 %-imut qaffassalluni
- Misissuinerup nalaani NUNAOIL A/S-imut 12,5 %-imik naammaqqusiineq
- Akitsuutit akiliutissallu oqartussaasut suliarinninneranni aningaasartuutitik matusissutissat

Taamatut ilusiliinerup kingunerisaanik Kalaallit Nunaanni uuliasiornermi ingerlatanit sinneqartoorutit 59 %-ianik Kalaallit Nunaat akileraarutitik, suliffeqarfiup akiliutissaanut aammalu sinneqartoorutinit pisortat pisassaannut akiliisitsisassaaq. Tamatuma saniatigut Kalaallit Nunaanni uuliasiorfiutiteqatigiiffiit uuliamik gassimillu nassaarnissaaq siunertaralugu misissuinerimi pisussanut pilersaarutitik annertooujussuarnik akisuunillu ingerlatsinissamut pisussaaffilerneqassapput, akileraarutinit suliffeqarfiullu akiliutaannit annertooujussuarnik isertitaqaataasinnaasunik.

Ilisimasat annertussutsimikkut nutarterneqarsimanissaasa qulakkeerneqarnissaa siunertaralugu, oqaatigineqareersutut kingullermik neqeroortitsinissaaq sioqqullugu nunat 17-it ilaatillugit nutaamik nunanut allanut sanilliussilluni misissueqqissaarneq ingerlanneqarpoq. Oqaatigineqareersutut misissueqqissaarneq siunnersuisoqatigiiffiuteqatigiiffimmit IHS Energy-mit nunani tamalaani akuerisaasumit suliarineqarpoq. Paasisat takussutissiami matuma kingulianiittumi takuneqarsinnaapput:



Naatsorsuineri assersuusiami Kalaallit Nunaat akileraarutinit, akitsuutitut aammalu pisortat peqataanerannut (Government Take) maannakut atuuttumi ilusiliami 59 %-imik akiliisitsisarpoq.

Sanilliussineri takuneqarsinnaavoq Kalaallit Nunaat nunanit uuliasiorfiusunit misilittagartuunit taamatullu nunanit misissuiffiqeqarpiangitsunit saniliusunillu arlalinnit qaffasinnerusumik inissisimasoq. Taamaalilluni Kalaallit Nunaat Government Take-nut Canada NWF-imit, Savalimmiunit, Tuluit Nunaannit, Argentina-mit, New Zealand-imit, Marokko-mit aammalu Falklandip qeqertaannit, unammillertaanerpaajusunut ilaasunit annertunerusumik akiliisitsisarpoq.

Naalackersuisut immikkut ilisimasallit arlallit isumasioqatigalugit naliliipput, akileraarutinit, suliffeqarfiup akiliutaannut aammalu pisortat peqataanerannut ataatsimut katillugit 59 %-imik akiliisitsiviusartunut, maannakut annertussusiliussanik qaffaanissaq isumatusaarnerunaviangitsaq. Kalaallit Nunaanni uuliasiornermik ingerlataqarnermi pissutsit suliaqarnermi ilungersunartorsiorfiusarmata aammalu annertuumik aningaasartuuteqarfiusarluni, akileraarusiineri ilusiliamik aningaasaliinissamik tunuarsimaartitsisussamik atuutsitsilinnginnissaq pingaaruteqarpoq, pissutigalugu taamaaliornerup sumiiffimmi misissuinissaq pinngitsoortittussaammagu. Taamaalilluni akileraarusiisarnerup maannakut annertussusaa qaffanneqassappat, ingerlatseqatigiiffiit Kalaallit Nunaanni aningaasaliinaviangitsut ilimanaateqarpoq.

Peqatigisaanik eqqaamaneqassaaq pisinnaatitsissutitut atugassarititaasut sumiiffinik pisinnaatitsissuteqarfiusunik utertitsinissamik piunasaqaatinik sukannersorujussuarnik imaqarmata. Piffissap ilaannut piffissaliussat naaneri tamaasa sumiiffiup pisinnaatitsissuteqarfiusup 30 %-ia utertinneqartassasoq ataatsimut isigalugu maleruagassaavoq. Tamatumani uuliamik niuerutigineqarsinnaasumik nassaartoqassagaluarpat, sumiiffiit tamatuma eqqaaniittut qaffasinnerusumik akileraaruteqartitsiviusussanngorlugit nutaamik neqeroortitsivigineqarsinnaanissaat qulakkeerneqarpoq.

3. Uuliasiorniarlutik misissuiniartut nunatta karsianut akitsuummik aalajangersimasumik annertussusilimmik akiliisinneqartalerniarpat?

IHS Energy-p aamma nunani tamalaani nunanik sanilliussilluni misissueqqissaarnermini misissorpaa, nunat sorliit pisinnaatitsissutinik tunniussinissamut atsiordermi bonusimik piunasaqarsinnaanersut, aammalu nunat sorliit atsiordermi bonusimik piunasaqaateqannginnersut. Paasisat takussutissiami matuma kingulianiittumi takuneqarsinnaapput:

Pisinnaatitsissummik tunniussinissaq sioqqullugu atsiordermi bonusimik AKILIISITSISANNGILAQ	Pisinnaatitsissummik tunniussinissaq sioqqullugu atsiordermi bonusimik akiliisitsisinnaavoq
Australien Argentina Danmark Falkland-ip qeqertai Savalimmiut Marokko New Zealand Norge Tunesien Tuluit Nunaat Kalaallit Nunaat	Alaska Barbados Brasilien Canada Gabon Kazakhstan Mauretani

Pisinnaatitsissunik tuniussisinaanissamut imaluunniit Kalaallit Nunaanni uuliasiorluni qillerinissamik akuerineqarnissamut Kalaallit Nunaat annertooujussuarnik akiliuteqartarnissamik piunasaqaateqassappat, uuliasiorlut naliliineq malillugu aningaasaliinissatik nunanut bonusinik taamaattunik akiliisitsisanngitsunut nooriaannaavaat, soorlu assersuutigalugu Australien, Argentina, Danmark, Falklandip qeqertai, Savalimmiut, Marokko, New Zealand, Norge, Tunesien, Tuluit Nunaat.

Uuliasiorinissamut pisinnaatitsissutinik tunniussinermi atsiordermi bonusisiassamut akiliuteqartitsisarnissamik Naalakkersuisut maannakkorpiaq pilersaaruteqanngillat.

Inussiarnersumik inuulluaqqusilluta

Inuussutissarsiornermut Aatsitassanullu Naalakkersuisoq
Ove Karl Berthelsen